

Til Modalen Kommune

MELDING FRÅ UAVHENGIG REVISOR VEDKOMANDE SKATTEMELDING FOR MEIRVERDIAVGIFTSKOMPENSASJON

Konklusjon

Vi har revidert Modalen Kommune si skattemelding for meirverdiavgiftskompensasjon for 3. termin 2022, som viser eit kompensasjonskrav på kr 1 445 257. Oppstillinga er utarbeidd av leiinga på bakgrunn av lov om kompensasjon av merverdiavgift for kommuner, fylkeskommuner og tilhøyrande forskrift.

Etter vår meining er Modalen Kommune omfatta av kompensasjonsordninga, og det oppgitte beløpet gir rett til kompensasjon etter lov om kompensasjon av merverdiavgift for kommuner, fylkeskommuner og tilhøyrande forskrift.

Grunnlag for konklusjonen

Vi har gjennomført revisjonen i samsvar med lov, forskrift og god revisjonsskikk i Noreg, medrekna dei internasjonale revisjonsstandardane (ISA-ane). Våre oppgåver og plikter etter desse standardane er omtalt under overskrifta *Revisor sine oppgåver og plikter ved revisjon av skattemelding av meirverdiavgiftskompensasjon*. Vi er uavhengige av kommunen slik det er krav om i lov og forskrift, og har overhalde dei andre etiske pliktene våre i samsvar med desse krava. Etter vår oppfatning er innhenta revisjonsbevis tilstrekkeleg og formålstenleg som grunnlag for konklusjonen vår.

Leinga sitt ansvar for oppstillinga

Leinga er ansvarleg for å utarbeide skattemelding for meirverdiavgiftskompensasjon i samsvar med lov om kompensasjon av merverdiavgift for kommuner, fylkeskommuner, og tilhøyrande forskrift, og for slik intern kontroll som leiinga finn naudsynt for å kunne utarbeide oppstillinga som ikkje inneheld vesentleg feilinformasjon, verken som følgje av misleg framferd eller feil som ikkje er tilsikta.

Revisor sine oppgåver og plikter ved revisjon av skattemelding for meirverdiavgiftskompensasjon

Vårt mål med revisjonen er å oppnå tryggande sikkerheit for at skattemeldinga totalt sett ikkje inneheld vesentleg feilinformasjon, verken som følgje av feil eller misleg framferd, og å gi ei revisjonsmelding som inneheld vår konklusjon. Tryggande sikkerheit er ein høg grad av tryggleik, men ingen garanti for at ein revisjon utført i samsvar med lov, forskrift og god revisjonsskikk i Noreg, og ISA-ane, alltid vil avdekke vesentleg feilinformasjon som eksisterer. Feilinformasjon kan oppstå som følgje av misleg framferd eller feil som ikkje er tilsikta. Feilinformasjon blir vurdert som

vesentleg dersom han, åleine eller samla, innanfor rimelege grenser kan forventast å påverke dei økonomiske avgjerder som brukarane tar basert på skattemeldinga.

Som del av ein revisjon i samsvar med lov, forskrift og god revisjonsskikk i Noreg, og ISA-ane, utøver vi profesjonelt skjønn og viser profesjonell skepsis gjennom heile revisjonen. I tillegg:

- identifiserer og anslår vi risikoane for vesentleg feilinformasjon i skattemelding for meirverdiavgiftskompensasjon, anten det skuldast misleg framferd eller feil som ikkje er tilsikta. Vi utformar og gjennomfører revisjonshandlingar for å handtere slike risikoar, og hentar inn revisjonsbevis som er tilstrekkeleg og formålstenleg som grunnlag for konklusjonen vår. Risikoen for at vesentleg feilinformasjon som følgje av misleg framferd ikkje blir avdekka, er høgare enn for feilinformasjon som skuldast feil som ikkje er tilsikta, sidan misleg framferd kan innebere samarbeid, forfalsking, bevisste utelatingar, feil presentasjonar, eller brot på interne kontrollrutinar.
- opparbeider vi oss ei forståing av den interne kontroll som er relevant for revisjonen, for å utforme revisjonshandlingar som er formålstenlege etter tilhøva, men ikkje for å gi uttrykk for ei mening om effektiviteten av kommunen sin interne kontroll.

Vi kommuniserer med leiinga mellom anna om det planlagde omfanget av revisjonen og til kva tid revisjonsarbeidet skal utførast. Vi utvekslar også informasjon om forhold av betydning som vi har avdekt i samband med revisjonen, også om eventuelle svakheiter av betydning i den interne kontrollen.

Avgrensa distribusjon

Skattemelding for meirverdiavgiftskompensasjon er utarbeidd for å hjelpe einingar som har rett på kompensasjon med å oppfylle Skatteetaten sine krav. Som eit resultat av dette er ikkje skattemeldinga nødvendigvis egna til andre formål. Vår uttale er berre tenkt til Modalen Kommune og Skatteetaten.

Isdalstø, 26.08.2022
Vestlandsrevisjon IKS

Janne Eraker
Revisjonssjef/Statsautorisert revisor

PENNEO

Signaturene i dette dokumentet er juridisk bindende. Dokument signert med "Penneo™ - sikker digital signatur".
De signerende parter sin identitet er registrert, og er listet nedenfor.

"Med min signatur bekrefter jeg alle datoer og innholdet i dette dokument."

Janne Eraker

Partner

Serienummer: 9578-5995-4-105767

IP: 51.174.xxx.xxx

2022-08-28 19:29:33 UTC



Dokumentet er signert digitalt, med **Penneo.com**. Alle digitale signatur-data i dokumentet er sikret og validert av den datamaskin-utregnede hash-verdien av det opprinnelige dokument. Dokumentet er låst og tids-stemplet med et sertifikat fra en betrodd tredjepart. All kryptografisk bevis er integrert i denne PDF, for fremtidig validering (hvis nødvendig).

Hvordan bekrefter at dette dokumentet er originalen?

Dokumentet er beskyttet av ett Adobe CDS sertifikat. Når du åpner dokumentet i

Adobe Reader, skal du kunne se at dokumentet er sertifisert av **Penneo e-signature service** <penneo@penneo.com>. Dette garanterer at innholdet i dokumentet ikke har blitt endret.

Det er lett å kontrollere de kryptografiske beviser som er lokalisert inne i dokumentet, med Penneo validator - <https://penneo.com/validate>